

桂
洲
詩
集

桂洲詩集卷之第六

特進光祿大夫桂國師兼太子太師吏部尚書華蓋殿大學士袁溪夏言撰

詩 七言古詩三十二首

旅况三首

宣風公館次韻

渡盤江河詮

夜泊柑子園

遊覽三首

過武夷欲遊九曲不果

望懷王山恨不卽至寄李空同

龍陽道中觀田婦割稻

東贈八首

贈胡汝愚令東陽

贈顏維喬守許州

贈梁東之宰常熟

五山子歌爲祈門程子抑賦

驄馬行贈容峰陳侍御出按江西

空明山人行贈黃久菴第

贈章侯允賢赴貴溪

贈徐溪山孝行歌

送別一十五首

桃源歌送徐從德

旗峰歌送葉良佩之京

送詹天雨

送汪克充令廣濟

送詹汝約審獄江南便道歸省

送甘少卿二弟下第還蜀中

送周天保使遼東

賦得武夷山歌送王兩洲之閩中

送詹憲副之湖南

走筆作石溪老人歌送劉三哥還貴

溪

送潘熙臺巡撫河南

送周泉坡總憲湖南

送王上舍靜之還盱江

送鄭通判考滿還大名

舟中別朱青岡侍郎

燕集二首

秦鳳山招飲黃鶴樓次西涯公韻

湖上歌月集卷之六

桂洲集卷之六

三

閒適一首

夜歸象麓草堂用孟浩然韻

七言古詩三十二首

旅况三首

宣風公館次韻

獨坐空堂秋索寞風動征軒碧油幕砌畔寒
蛩已厭聞床頭蟋蟀聲尤惡朱函有詔傷
慈宮飄飄使節凌天風病軀遠涉萬里外險

道直與諸蠻通故里音書鴈鴻杳幾迴目斷
孤雲表咫尺家山意轉忙驅車不待東方曉

渡盤江河詮

盤江河水深山高瘴癘孔多鳥翼不下獸迹
罕過悲乎嗟哉余胡爲兮渡茲河

夜泊柑子園

打鼓發船日西夕溪行十里雲墨色江村無
人雨瀟瀟沙岸維舟風淅淅燒燭題詩夜向

深起視船頭星月出

遊覽三首

過武夷欲遊九曲不果

天下名山何處奇東南獨步稱武夷翠嵒千
里雲縹緲碧溪九曲風漣漪石潭下是蛟龍
窟巖竇上有神僊骨素花瑤草自春秋赤豹
玄猿時出沒環川玲瓏深復深綠蘿青松結
層陰紫陽真僊在何許望而不見愁予心我

欲乘舟入玄境山雨忽來青竹暝藍輿兀兀
渡前溪萬壑千巖重延頸

望懷玉山恨不卽至寄李空同

懷玉之山何壯哉嶙峋萬疊芙蓉開撐霄拄
漢上無極石磴岌屢盤紆迴丹崖翠壁耀光
彩上有紫陽遺迹在雲谷深藏地一方造勝
畱竒荷真宰僊人羽客時往來俯視八極空
九垓分明此境隔世外何必入海求蓬萊蹇

予平生好山水頗快歷覽搜神竒五嶽尋真
不辭遠咫尺壯觀無乃遺關中夫子向我語
使我臨風欲飛舉草堂突兀在眼中豪興浩
發氣吐虹安得此身生羽翮振迅萬里隨天
風

龍陽道中觀田婦割稻

隴頭稻熟黃雲疊楚婦腰鎌滿阡陌共喜今
年禾稼登姑婦相看俱德色手中織布新成

衣長裙短衫
捎袂齊恐經
秋雨割不徹
日午流汗沾
雙題吁嗟乎
一生不識穀
生處遍身羅
綺金屋住

柬贈八首

贈胡汝愚令東陽

神僊中人胡東陽
清姿逸氣不可當
冰壺玉樹映瀟灑
神龍天馬爭翱翔
去年看花始識面
意氣偶合形骸忘
曾蟠經綸久抑塞
眼觀

時事多激昂邇來作縣傍甌越慨然慕古之
循良東南民力久困竭豈弟足以扶凋傷知
君才高澤易究枳棘不得棲鸞凰都亭把袂
且分散早晚乘驄來 帝旁

贈顏維喬守許州

許州太守才且賢不減昔日邵二泉文辭肯
落斑楊後詩律直逼曹劉前長身昂藏野鶴
立開口論議洪鐘宣高標直節我所愛大篇

短什人爭傳峴山衡嶽高參天三湘七澤生
雲烟地靈人傑有如此黃金丹砂不得專自
從相識號知己况復忝竊稱同年四海論交
苦不早百年有約會須堅知君作郡有餘地
疏通典則政所先一方小試剗割利時危尚
藉經綸全高歌對酒白日晚春寒野陰風力
顛丈夫恥作揮涕別臨岐把贈珊瑚鞭

贈梁東之宰常熟

野亭春濃雜花開沙河雪融新水來攜尊遠
餞長安陌掛帆直指姑蘇臺憐君少年領民
牧曠懷磊落羞拘束雲漢初呈鸞鳳翰風塵
暫寄驂騑足簿書米鹽未堪鄙致身廊廟皆
由此豈弟曾聞播雅音循良屢見光前史送
君慰我江湖憂東吳民病知有瘳早躡青鳬
朝帝闕高簪白筆當螭頭

五山子歌爲祈門程子抑賦

五山子偉丈夫身長七尺忠孝俱春秋一經
起家學風塵十載淹江湖先帝之朝宗室
叛冥冥氛祲埋洪都而翁此時位藩伯命繫
俎饌真斯須密書夜報五山子募兵討賊江
之隅五山子慷慨仗大節仰天指日聲嗚嗚
黃金散盡買死士挺戈直向南昌趨東望太
山凌太虛南瞻太嶽雲夢區齊雲三茅總靈
異經過白馬停馳驅焚香默禱五福地上訴

天帝開蒙愚九華山前縛關校新安城外懸
賊顛而翁病卧賊船裏被人摩挲死復甦孤
舟橫江出烈焰暝泊野岬如人呼精誠竟藉
鬼神力此理或有難盡誣翁歸東園甘白首
天王明聖臣當誅五山子肝腸激烈氣頗粗
抱憤何以爲親娛緹縈女兒能救父我生何
有空眉鬚上書叩 閻顙流血竟使 日月
回昭蘇五山子偉丈夫眼中豪儁絕代無北

風吹塵暗長途故山木落號老烏高歌送子
出門去獨坐天寒旅興孤

驄馬行贈容峰陳侍御出按江西

吾聞古有驄馬御史名君今攬轡獨出長安
城銀鞍煜耀錦韉爛萬人辟易驄馬行御史
之官司風紀得代周王巡狩禮丈夫節槩當
盛年況逢日月開亨軌昨看御史侍丹墀
繡衣鷹角生光輝長身玉立對天表百官奏

對瞻霜威此時驄馬排僊伏閭闔雲深動宸
象王勒離離劍珮旁朱纓閃閃旌旗上已誇
駿足刷燕薊朝掠扶桑夕濛汜廬阜遙凌嶠
崢姿鄱湖正溢騰驤氣黼座宵旰思民艱輜
車九道出臺端要令羽儀識鸞鳳豈得搏擊
空鷹鷂芙蓉寶劍照秋水豺狼竄伏荆榛裏
驄馬行行自此始萬里歸來報天子

空明山人行贈黃久菴弟

紫霄峰頭開石室雲磴截業緣青冥飛泉一
道瀉寒玉靈巖兩山羅翠屏空明山人天台
客山中夙抱烟霞癖觀海時乘鵬翼風泛湖
夜觸龍鱗石石龍書院環羣峰談經主人黃
長公百年兄弟自師友一時海內聞高風長
公長材已梁棟山人猶卧空明洞但願山人
早出山努力共副明時用

贈章侯允賢赴貴溪

象山岩崿列如障小邑千家住溪上金沙廻
環玉帶圍吳緬神峰屹相向開衙臨水復面
山東風滿城桃李顏黼黻沉沉白日靜鳴琴
寂寂青春閒使君一見知竒士九華自昔鍾
靈異鸞鳳清含霄漢姿驊騮穩帶風塵氣簿
書聊借經綸手豈第古稱民父母道誼還資
淑後生征科正賴寬農畝 國朝令尹賢者
誰前有徐盧後有韋邇年范薛固其匹近日

袁方皆有爲况君高才凌數子定擬循良書
太史飛鳥逢憐下紫冥正笏還看侍天子

贈徐溪山孝行歌

徐生十二曾割股六十思親淚如雨從來純
孝本天性閭人多矣今見汝我家先伯葵軒
翁少年割股與汝同至今鄉閭稱孝子坐令
薄俗還淳風徐生高安故家子中年賣卜長
安市布衣意氣輕王侯座上高談出經史憶

昔相逢在豫章題詩贈汝龍沙傍塵埃之中
曾識我許我十年登玉堂看花以後官青瑣
夜雨春風幾相過霄漢橫飛衆所驚風波獨
立誰能那平生夷險若眼前乃知有命真由
天憐君爲人重高詛不獨造化能窺全古今
忠孝人希有白髮君平真我友春日春宮揮
彩毫慚媿尚書司北斗

送別一十五首

桃源歌送徐從德

君不見武陵宛在洞庭西
綠蘿千仞盤丹梯
靈巖窅窅羽客洞
沅水蕩漾桃花溪
石門中開雙立壁
至今尚有秦人迹
秦人避亂入桃源
桑麻鷄犬自成村
那知世上換甲子
竟從物外長兒孫
男耕女織無官府
年深代遠忘鄉土
老穉嬉遊風俗淳
歲時揖讓衣冠古
漁郎一出不可尋
春風祇見桃花林
紛紛幾經

秦法變往往只道僊源深此都山川氣磅礴
民風尚覺多淳朴但令官長無誅求閭閻自
有神僊樂使君年少富經綸定知執法無冤
民 聖朝仁育覆四海豈得更有桃源人

旗峰歌送葉良佩之京

我聞旗峰子家在天台萬山裏夜卧天柱雲
朝濯清溪水瑤臺雙闕中天開赤城霞起飛
梁隈旗峰子真僊才胷中磊砢萬丘壑筆底

造化皆風雷方巖片石何崔嵬砥柱流石驚
瀾頽眼前此峰大嶠崕獨乘吾道之旌麾山
川人物兩卓絕坐令海內誇天台吁嗟乎方
巖旗峰俱壯哉

送詹天雨

七月涼風吹葛袍耳邊林樹翻秋濤城東走
馬一相送故人行行李何蕭條潞河茫茫起烟
霧孤帆直指雲間去黃浦橋西畫閣重碧山

掩映談經處憐君學道有真傳鵝湖一派來
千年只今江左文風振爲喜門墻不乏賢

送汪克充令廣濟

黃金高臺白日明白玉河橋綠水平美人忽
作城東別秋帆遙指湖南行江城百雉靈峰
麓縣門正對清江曲武山湖頭夾岼梅靈泉
洞口連岡竹東風吹香花滿城朱衣小隊課
春耕千廬夜聞機杼弄百里晝聽弦歌聲使

君才猷足辦此客愁直爲蒼生喜時譽休誇
詞賦科芳名定著循良史王國寶劒雙蛟龍
青雲鋌鏐開芙蓉割鷄小試聊復爾早晚持
獻蓬萊宮

送詹汝約審錄江南便道歸省

笑人辭燕適吳越東門楊柳風枝直雪霜滿
地歲云暮嗟我欲往何由得與君結契重平
生風塵三歲雙眼明已悲末路少知己况當

遠別難爲情樓船南下江波駛伐鼓鳴榔渡
楊子臺月秋懸八郡中法星夜入吳門裏迢
迢婺水接錢塘望中懷玉山蒼蒼玉節光輝
被梓里錦袍拜舞趨華堂堂中老親雙白髮
天人眉宇神僊骨壽酒纔逢秋菊馨蟠桃更
向春筵發此行如子真登僊一身忠孝貴兩
全朝天早理西江棹故人北闕情懸懸

送甘少卿二弟下第還蜀中

君不見古稱蜀道如登天峨眉劒閣橫雲烟
錦江西來走其下波濤天地爭迴旋山雄水
竒地靈洩古今歷歷生豪傑三蘇往矣楊雄
老甘家兄弟今超絕南官往歲司文衡開卷
首題伯氏名即今才望動明主十年金紫
官爲卿挾策南來誇二仲矯矯雲霄下雙鳳
花開春日未得意木落秋江且相送高堂壽
母白髮長喜看遊子歸故鄉黃花滿泛郛筒

酒綵衣猶帶金閨香我聞尚有兩神駒看花
異日與之俱桂枝未數燕山並霖雨同爲大
旱須

送周天保使遼東

前年我西行北風裂膚雪沒脰感君高歌壯
顏色匹馬寒衝太行嶺今年爾東行關河蕭
條秋氣滿蹇予愁病懶出郭攜酒無能送君
遠我聞胡兒殺人遼海上漢軍久失驃姚將

邊頭白骨高如丘老穉眊眊哭相向君今仗
節臨羌戎歸來早勒燕然功青羊山前萬赤
子刀劒已化桑麻中與君意氣偶相同出門
萬里無西東從來龍劒有分合旁人莫謾誇
雌雄

賦得武夷山歌送王兩洲之閩中

武夷山前九曲溪幔亭玉女凌丹梯棹歌聲
斷海天碧寂寞空餘千仞壁此日憐君作遠

遊對酒高談且今夕汀洲芳草春淒淒月明
一鶴東南飛宣室行看召賈誼莫向名山早
拂衣

送詹憲副之湖南

衡山高高多白雲洞庭水濶波沄沄黃鶴南
飛岳陽遠我歌一曲相送君山有豺虎水有
蛟鼉君有寶劍金盤陀霜刃聊試十年磨漢
廷老吏今無幾歸來左右明天子

走筆作石溪老人歌送劉三哥還貴

溪

石溪溪水清粼粼石溪老人霜髯新三十年
前物色我每言宰相果有真老人一生身處
貧逢人開口無怒嗔落魄不羨公相貴樵叟
豎牧時相親老人見我年少日青燈夜雨相
過頻數千里路走京國向我鄉話猶諄諄卧
之西齋淹歲月感今道舊增悲欣朝回揖我

堂堦下驚覩玉帶金麒麟春來忽作還家夢
扁舟買繫楊柳津題詩送爾且歸去何時更
看長安春老人心事無拘瑣希夷自是無懷
民希夷自是無懷民

送潘熙臺巡撫河南

終南高高上無極大河東走無停息中丞節
鉞照河山春日樓船壯行色驅車北上過錢
塘忽漫相逢喜欲狂少日風裁動人主至今

臺省聞潘郎晚余濫塵青瑣闥歸卧滄江變
華髮此時束帶還金門經國非才媿承乏別
公無限江湖憂太平今日在中州蒼生旦夕
望霖雨黃閣勲名趁黑頭

送周泉坡總憲湖南

錢唐三月樓船下春水南浮洞庭野衡嶽雲
開江漢清使君舊識乘驄者栢府清飛六月
霜南樓高高臨漢陽武昌之魚采石酒宴客

時登廣視堂十年前度予過此使節南征萬
餘里黃鶴磯頭招白雲鸚鵡洲前歌綠水客
邊送客離筵開闕下望君君早來鴈角戕戕
侍天子遙向南邦入內臺

送王上舍靜之還盱江

涼風昨夜飄井梧青門楊柳看欲疎遊子宵
飛故園夢明晨拂袖辭京都麻姑山下泉如
玉鳳凰岡頭書滿屋春雨蒼苔徑路荒白雲

時向牕前宿憐君高才知者稀行年五十仍
布衣平明青瑣聽鷄入薄暮河橋信馬歸長
安閉門心獨苦幾夜蕭蕭上林雨秋日何堪
別故人清時未許孤明主君今黑髮仍滿
頭功名會向桑榆收明年桂花應大發定有
高枝爲爾留

送鄭通判考滿還大名

不見鄭虔今六年大名美政人爭傳去冬獻

最赴闕下一日笑口開尊前愛君詩律老愈
勁向來投我元夕篇報瓊無能爲閣筆對酒
忽訝當離筵通家交承義不薄宦途聚散理
則然明朝走馬且還郡天官考功知汝賢不
須故人更薦達早晚要秩看喬遷

舟中別朱青岡侍郎

昨夜月明山館靜繡衣驄馬來相尋今朝日
出江船發青山綠葉秋蒲林野人斗酒遠送

客十年不見心相憶
笛裏關山鴻鴈來
尊前落日江湖白
君才長劒倚秋旻
余病還山卧
白雲一棹清溪弄
烟月令人長羨鮑參軍

燕集二首

秦鳳山招飲黃鶴樓次西涯公韻

武昌樓頭畫船泊
城上高樓起黃鶴
銀榜孤懸逼太清
朱甍下瞰臨寥廓
參差石勢傍巖壑
控帶城闔連井絡
磯下潭深蛟杵鳴
檻前

水落漁舫閣青天飛來鳳凰峰赤霞掩映僊
人宮烟濤微茫溟海接雲氣翕忽蓬萊通四
時簾捲楚天雨萬里帆開巫峽風仗鉞欣逢
鳳山老題詩共憶西涯翁春日登臨盡才彥
授簡揮毫酒行半自慚銜命事奔走敢爲升
堂掃詞翰白雲黃鶴向來聞晴樹芳洲今始
見天開壯觀自千古地擁雄都當一面已看
黎庶樂昇平近喜強兵休訓練多暇來遊又

一時轉見高情屬江漢

湖上歌用棠陵南江小閣韻

三月三日湖上來諸公飲餞潘熙臺

大中丞伯和

南江故人

孫憲伯從一

有夙約一尊獨對孤山開

銀盤屢出武昌鮓王壺遠載東陽醅凌空小

閣西湖水迤邐春遊雜士女羅綺香從陌上

吹笙歌響逐波心起谷口鳴騶入者誰乃是

泉坡周柱史

湖南新憲長汝和

鄉人遠致梅國書家

藏萬卷今燬諸廐焚已失司寇馬廟毀猶存

學士魚夜來偶作思鄉夢今日慵登出郭車

劉方伯介夫得家報有回祿之變是日不赴憑闌無限相思意橋

外平沙立羣吏憲使朱憲副安齋華軒飛翠幃將

軍赤驃控金轡張都閫東溪風起波紋擁畫船落

日酒酣歌劒器千里風烟一望中高談四座

生英風狂來手揮玉如意花開笑坐錦幘幪

綵筆畱題詩滿壁何人爲遣碧紗籠羣山薄

暮烟霞疊賓從如雲困跋涉平崗

劉掌科中
實夫

酒初解醒同遊先理東吳檝醉寫長歌謝主人獨攀楊柳青青葉

閒適一首

夜歸象簾草堂用孟浩然韻

落日欲沒山氣昏烟林棲鳥聲正喧白沙翠竹遶江村洲前蘿月映石門石門露濕青楓樹老鶴長鳴不知處遙看穉子候荆扉野色

茫茫過橋去

桂洲詩集卷之第六終

桂洲詩集卷之第七

特進光祿大夫國師兼太子太師鄭國書畫殿大學士黃汝夏書

詩 七言古詩二十七首

題詠一十八首

題鄭白湖二南靜處

百雀圖爲王國華題

笑人圖篇

題張宰畫鷹

雙嶼歌爲手都諫君錫作

題李序菴小畫

題溫託齋宮諭雪景山水圖

題宗伯嚴介谿李太白把酒問月圖

用白韻

齊樹樓歌爲方思道作

題黎御史乾德畫膺

菊潭歌贈于宗信

硯莊歌爲東昌葉太守作

仰泉亭

太白樓歌次二泉老師韻

萃墨亭歌爲徐州洪李主事香作

梅花國人歌用方棠陵韻

南江小閣歌用方棠陵韻爲孫僉憲

從一賦

題沙溪汪上舍卷唐越國公裔

慶賀八首

九峰歌題李時元逢壽庭闡圖

壽胡司寇竹亭次陸三汀韻

賦得金砂泉壽吳克學乃尊

娛永堂歌壽寶應范翁八十

次涯翁韻爲武昌羅典儀練乃父菊

泉賦

雙壽爲周大參題

西園老人歌壽陳維德乃父

瑤池歌壽大孺人爲水南太史賦

悲悼一首

題賢母圖挽邊母

詩
七言古詩二十七首

題詠一十八首

題鄭白湖二南靜處

南衢之東南管西中有隙地堪幽棲高人結

廬在此境二南靜處顏穰題東泉主人問所以白湖先生道如此清晝旣無車馬喧未夜不聞擊柝子繚垣委巷深復深佳哉城郭如山林軒開可晚花竹暝亭虛一鑑天光沉先生閉門謝俗客掃地焚香玩周易簾卷東風盡日閑滿庭草色侵堦碧

百雀圖爲王國華題

昌黎王郎愛畫者京國示我百雀圖呼童掛

之堂左壁絹古剥落色模糊徐拂輕塵細披
玩始覺光輝生素練密葉疎花點綴明柔翰
弱羽參差見南枝乾鵲呼天風竹間更有白
頭公群雀紛紛各意態啄啁翩翩還一叢我
家石田傍茅屋此輩時來食我粟日落偏依
叢薄喧天寒早向南山宿高堂見畫神恍然
感時觸物勞中悵鳳凰不來歲欲暮空向秋
風歌野田邊生翎毛稱好手畫中之意君知

否百年有爵登三公並喜功名到白首嗚呼
好爵豈足縻王郎去年直諫驚朝堂風前竹
節寒愈勁雪裏梅花晚更香

美人圖篇

蕙幃曉夢驚鴛鴦美人睡起耀明粧朱闌十
二瑤臺畔六曲屏風圍象牀象牀錦褥芙蓉
亂血色羅裙百花爛宛宛蛾眉翠黛愁纖纖
玉手金盤盥低鬟捲袖蹙絳紗侍兒左右嬌

如花白練文巾拂香霧黃金鈿合開明霞背
牀一女佇立久臙脂學點櫻桃口堦前小姬
不解妝阿姨爲借撩雲手香鬟翠滑墮瑤簪
露光蘭葉梧桐陰綠牕雲散日杲杲紫簾霧
重天沉沉吳門畫史真難得彩毫貌出傾城
色似識春風銅雀深恍疑月夜沉香北紅顏
自古爭愛憐承恩况復君王邊遭逢當日豈
偶爾風流往事尚堪傳君不見明妃嬌艷絕

代無翻目誤人丹青圖一身遠嫁單于去琵琶千載空嗟吁

題張宰畫鷹

國朝已來畫毛羽前有林良後呂紀良也水墨意有餘紀也丹青得妙理當時二子稱絕倫後來摹擬空諸人張侯愛畫尤愛呂自言得此迹頗真展挂猶疑少題字反復玩之無乃是今人畫鷹苦不少此畫特與真鷹似

朽古木苔蘚皮雄姿獨立虬龍枝寒空奮角
劍戟豎白日刷羽烟雲披梁間紫燕驚迴仄
殺氣森森欲飛掣五月涼風吹鴈門四座虛
濤捲碣石秋高馬肥塞草枯安得臂爾北擊
胡妖禽惡鳥攫復盡毛血洒地飛平蕪野田
黃雀休高起爾輩何足汗瓜嘴雄才且敵千
人將猛氣猶橫萬山壘攫身碑兀神揚揚此
物何得來中堂乃知畫史擅神妙粉墨不露

餘精光張侯爲政尚敢決意氣豈不與之敵
竟湏厲爾搏擊能會見長風起高翮

雙嶼歌爲于都諫君錫作

我聞莆陽之水來僊遊蘭坡下遶壺山湫衝
波逆折數十里會合穩入華江流華江東奔
復西注雙嶼平川渺烟霧躋海根連鼇背峰
中流氣敵龍門柱高人此地卧雲松草堂面
對雙芙蓉秋水扁舟弄倒影青天柱杖凌飛

虹一從挾策遊帝鄉出入紫闥排金閭朱衣
獨立雲霄迥御座長瞻日月光華江靈氣自
此洩異才果向明時出壯節還看立壁孤高
標矗倚擎天直此山迢迢南嶽分精英磅礴
氣氤氲下土蒼生望霖雨觸石逢看海上雲

題李序菴小畫

紅衣落盡芙蓉老蓮葉離枝墮秋沼何處飛
來雙鵲鵲翠尾搖寒立清曉玉堂僊骨清無

敵睡起涼雲遶虛室素練何人濡紫毫憑軒
寫出銀塘色 皇州三月春茫茫李花滿枝
春雪香誰家庭院閒白日山鳥一聲清晝長
薇垣主人愛幽懶花落鳥啼春不管午風亭
上坐繁陰一池曲水流香暖

題溫託齋宮諭雪景山水圖

高堂此圖何壯哉岷峨劍閣爭崔嵬連巖雪
深虎豹遁極浦凍結蛟龍埋林蒼谷莽路幽

絕溪影山光遞明滅耳邊髣髴聞啼猿
若回飈落飛雪草堂隱隱倚風湍野客
相過興未闌就中一老吟髭直無乃少
陵歌苦寒長安歲暮群芳歇對此心神
坐超忽撥棹誰能剡水遊抽毫興爲梁
園發玉堂仙人冰壑顏眼中歷歷曾躋
攀它年采藥復西去遲予携手青城山

題宗伯嚴介谿李太白把酒問月圖

用白韻

謫僊老去今幾時
我今見畫如見之
百篇斗酒不復得
青天明月仍相隨
錦袍奪向黃金闕
文章萬丈光焰發
乾坤日月兩毗九
歷海經天出復沒
東風桃李花千春
太白雄豪孰與隣
今人對月不解問
把酒空懷問月人
長風夜吹大江水
萬古風濤鎮如此
浪說騎鯨飛上天
乃在君家此圖裏

齊樹樓歌爲方思道作

錢塘西湖好林麓白石清泉間修竹吳山有
樓出木杪勝處憑高此其獨棠陵野客善題
詩彩毫落紙無停思偶爾登臨興豪發直欲
歷攬披神竒日日出遊湖上寺有時醉卧湖
船裏風流不減李太白氣岼真同杜子美倚
闌拍手一長歌白雲飛起青山多石林夜雨
泣颺颺潮江秋漲鳴鼃鼃胸中萬疊烟霞癖

不受人間一塵迫只有看山眼最青無奈憂
時鬢先白樓中把酒送飛鴻酒醒夢回滄浪
東江霞遙映上天竺海日正抱南高峰客來
時出袖中草江山大半收文藻何日相携齊
樹樓煩君更述同遊稿

題黎御史軋德畫鷹

颶風吹山海水立長鯨怒奔老蛟泣雪浪迴
吞白日微烟濤噴薄青天濕中流孤島何龍

從角鷹飛來氣正雄側目驚愁巨鰲掣翻身
欲撼滄溟空我聞呂生真好手寫出不在林
良後忽向高堂見此圖欲去憑軒數回首栢
臺柱史人中英立朝文采誇蜚聲風力直令
天塹重霜稜坐使峽江平萬里歸來向丹極
羽儀光動中朝色惡鳥猶從金屋飛驅除正
藉搏空力

菊潭歌贈于宗信

吾聞南陽有菊水此水飲之令人壽水邊村
落繁民居祇見朱顏無皓首故事分明豈浪
傳飲啄得所自長年蘇耽活人造奇術亦有
橘井儲甘泉廣陵城南一草堂主人鶴骨虬
髯蒼囊多靈藥不須買世上貧人皆得嘗堂
前菊花爛如繡堦下潭水波光潛采藥無勞
問赤城覓丹底用求勾漏邇來杖屨游京師
聲名一日 天子知紫宮龍顏今始見青郊

鳳輦得追隨菊花潭水隔千里惟有芳名滿
人耳長安客舍接比鄰數載交情忘汝爾相
如薄命病偏多一日煩君百遍過西風落日
忍分去臨流爲寫菊潭歌

硯莊歌爲東昌葉太守作

硯山之山石爲峰蒼巖翠壁何龍從人言靈
氣此盤礴天生竒石堪磨礱天池羅紋石色
古波濤隱見含風雨端州鸛眼未足珍建山

鳳咮何須數眉子之石乃其亞猶足千金擬
高價洮綠虛誇山谷篇銅臺漫拾曹公瓦憶
昔開元全盛時唐官採取歸京師穿雲巧削
秋水骨穴地深劖碧玉姿烟霞破碎芙蓉裂
萬斧如驅五丁力山癭谷冷不復惜嵯崩窟
壓那能說當年此石人未知葉氏之先先得
之遂令文采照千古坐使聲價重當時數百
年來爲世寶石卿卽墨封侯早已從天祿伴

然藜更向明光供起草東昌太守承家賢少
日築室山之前石閣蘭燈照青壁墨池花雨
流春田書香世緒何曾歇名山秀氣名家得
伯氏朱旛擁西郡賢郎畫省居南國清時科
甲登翩翩硯莊合與墨莊傳平泉木石自奇
勝繁華過眼空雲烟太守前時在戶曹殷勤
索我題詩句會緣愁病廢朝叅久傍風塵淹
去住破硯經時苔蘚滋向君覓硯許還詩秋

日歸帆泊崇武贈我一片含風漪案頭偶置
烏玉玦紫雲翠黛光相射落筆高歌爲君起
千岩萬壑遙增色吾聞黃山四千仞上有三
十二蓮峰我將此地巢雲松異時來登硯山
頂爲君勒頌紀元功

仰泉亭

馬陵岡頭泉北流潭深水黑龍爲湫夜半風
雷動地起白晝當空雲霧浮泰山有泉七十

二功在漕河此其最九州貢篚歸京師萬艘
粳稻來吳會往年赤旱農告勞白龍行雨湍
東臯顧今伏臘少奔走無復軒蓋臨山椒朝
陽靈洞人迹罕唐碑漢刻俱苔蘚吊古典文
賴水曹作亭立石依山巘我舟南下魯橋關
悵望斯亭未得攀塵土滿纓空汗眼臨流仰
止思高山

太白樓歌次二泉老師韻

長庚墮天光照地僊蹤偶向人間寄四海飄
零豪傑氣百年浩蕩長安醉詩成落筆風雨
驚酒酣擊劍蛟龍避五嶽冷然紫霞賞一丘
邈矣滄洲思中年解縛潯陽獄末路寄食當
塗吏英雄自古常坎軻鴻鵠每困冲霄志歸
來且縱彭澤飲老去寧投禰衡刺任城酒樓
高拍天泰山千仞來空翠悵望遺風不可攀
倚歌重作臨江酌

萃墨亭歌爲徐州洪李主事香修

彭城城邊秋擊舸黃河漲發波濤大隔水遙
開水部衙有亭爰業山之左我聞此亭新落
成築臺累石見高情百年麗藻星辰聚千秋
遺墨烟雲生憶昔坡翁守茲土月中之遊果
誰伍張老還携鐵笛吹潛翁自袒袈裟舞一
時清興真可憐片石題名今宛然那知埋沒
黃塵下復得摩挲碧檻前古人踪跡今不朽

文章照耀看身後昭代諸公盡才茂西涯東
白俱山斗登臨嘯咏古今同人代推遷感慨
中悠悠白日浮雲外杳杳洪波砥柱東亭中
我是初來客臨風重灑淋漓墨芒碭山前木
葉飛滿天鴻鴈悲秋色呂梁白浪高崔嵬盤
渦轉石鳴萬雷天關撼裂地軸動吁嗟氣勢
何雄哉北風蕭蕭捲江水落日吳帆下千里
夏子高歌爲誰起作亭主人豫章李

梅花國人歌用方棠陵韻

我嘗夢入羅浮國千村萬落皆梅花問之國
人胡乃爾國中種梅如種麻山巔水涯無不
有飛瓊綴玉紛如沙只今江南多此種南安
之梅世所誇竒葩獨占春第一玉林掩映山
中室香散黃昏入院清影傳素月橫牕密春
色虛聞秦洞杳秋容未炙龍洲橘室中主人
冰玉顏歲晚栽培多愛惜少年早奪西省魁

倏向南宮開彩筆翩翩華國器楚楚調羹材
吟詩盡日東閣興對客幾度西湖來孤根磅
礴藉元氣風神濩落無纖埃鳳山青連萬松
嶺主人燕坐薇花省畫梁鷺子來烏衣北牕
自是華胥境桂洲埜客春日過梅花飛盡梨
花多枝頭採掇青青子爲君王手拂雲和

南江小閣歌用方棠陵韻爲孫僉憲

從一賦

秋嘗奉使湖南來湖山佳處皆亭臺衡山之
陽九峰下小閣獨對江南開朱闌曲檻照江
水隔岼明妝見遊女芳草洲晴鷗鷺飛桃花
波暖魚龍起閣中主人知爲誰繡衣臺郎國
太史少年剩著天祿書胸蟠萬卷惜居諸碧
牕秋夜照藜火春雨空牀翻蠹魚沙邊閒共
野翁席橋外長停長者車青雲一日誇得意
竟作玉皇香案吏鸛禁會聯供奉班豸冠重

攬澄清轡館閣名高梁棟材江湖志切綵綸
器却憶當時小閣中石枕閒却羲皇風已將
江水作霖雨尚看東閣開幷幪思公子兮隔
秋水兼葭蒼蒼烟霧籠西湖湖上山萬疊日
日春波共君涉耳邊厭聽簫管繁乘興欲鼓
南江楫安得長風吹我坐小閣樓船萬里一
瞬輕於葉

題沙溪汪上舍卷唐越國公裔

黃山東來百餘里平川下引沙溪水溪上人
家喬木深迤邐風烟翳桑梓此鄉風俗清且
醇故家文獻何彬彬長安更揖沙溪子信是
唐公有後人

慶賀八首

九峰歌題李時元逢壽庭闈圖

有所思兮乃在九峰之山中山高多白雲岩
岫窅窕與天通翠厓明霞氣蕭爽蒼巖巘削玉

光玲瓏香爐烟紫蛾眉黛重雲日天竺清流
芙蓉飛雲橫絕今不可以逕造烏飛猥捷那
能從下有葯房芷館蘭橈桂宮琪花瑤草爛
然青紅宛二人兮西池阿母河上僊翁皓髮
擬鶴朱顏返童漱正陽兮飲沆瀣御六氣兮
遊無窮客有思親欲往而不得者目眇眇於
飛鴻乃圖天都之寶繪摘王堂之文雄琅玕
碧軸金泥紫封託情青鳥假翼天風倚差栽

之雲觀望天嶺之巖從高秋遙拜南山壽正
見王蟾生海東

壽胡司寇竹亭次陸三汀韻

廬峰嶙峋干紫清鄱湖浩蕩涵虛明川流嶽
立氣完淑降靈孕秀生豪英弱齡執手看花
約異鱗一奮龍門躍郎省當年識鳳麟台班
歲晚參鸞鶴司寇秋臺秉國鈞崇名厚祿自
天申丹心愈堅報明主白首不懈憂斯民

六月望日先生壽利解不第進家舊槐堂大
雅盛弦歌亭竹高風清宇宙如阜岡陵天作
朋與梅松栢寒爲友再拜賡歌白雪篇坐憶
春風三月久

賦得金砂泉壽吳克學乃尊

吾聞敷金嶺下有金砂泉泉中砂石紛磊磊
顏色烟奪黃金鱗玉波歛灩琉璃溢古潭百
尺開雲日烟雨秋深鴻鴈飛風雷夜半魚龍

出名山精氣含混濛靈源直與崑崙通何人
築室清泉上晉陵高士心遠翕舉芳濯纓時
往復洗藥澆水隨意足雲瀑遙分南谷淙烟
流下引西溪潒有時散髮縱吳謳水經茶竈
隨扁舟身騎白鹿飲溪澣手招玄鶴來砂頭
今年八月中秋後皓月仍圓夜如晝誰向山
中有此泉舉觴酌月爲公壽月色波光蕩相
射桂花影墮冰壺碧洞府虛聞白玉漿人間

亦有黃金液玉光醍醐清肝腸如川之壽翁
可量餘波爲霖澤四海眼中有子尚書郎

娛耒堂歌壽寶應范翁八十

大江以北淮水東重湖天闊搖空濛山人家
住湖水上古堂下壓馮夷宮秋風葭葦兼天
碧夏日荷花紅一色月出方歸賀老船雲深
不見逋僊宅幾曲湖田歲可耕菰蒲楊柳年
年生細雨沙頭看鷺浴曉風林外聽鶯聲四

時樂事何終極七月翁年當八十杭稻新炊
玉粒香鱸魚細切米絲直蘭芽桂子秋森森
騰芳吐秀爭氤氲膝前綵服耀白日座上清
歌響綠雲金尊酒泛春千斛萬事何須空咄
咄龍顏不識君王面鶴髮自有神僊骨昔年
走馬淮水涯立冬夜宿山翁家高齋剪燭促
華饌小閣熾炭烹春茶別來踪跡限江海高
誼長懸寸心在去歲翁爲出郭遊當時我負

登堂拜邇來京國逢賢郎今爲長歌娛耒堂
青莎白石忽在眼江雲浦樹遙相望却慙落
魄長安客奔走風塵空嘆息荷衣實負草堂
靈桂枝每切淮南憶湖上堂開秋日明願吹
野水薦霜英故人遙向天邊祝翁壽直與南
山并

次涯翁韻爲武昌羅典儀練乃父菊
泉賦

漢陽江上僊翁家門前流水籬前花朝飡落
英暮飲水不識人間有歲華手開白雲種蒼
玉芝田日暖春烟綠龍鼎常存不老丹鳩筇
斜挂長生籙僊翁自是無懷民逃形頗類桃
源人坐把黃庭移白日那知滄海飛黃塵江
口青山不須買相對朱顏常不改堂中短榻
懸南州座上清尊傾北海庭堦玉樹多僊郎
彩衣起舞萬慮忘黃鶴飛來作人語願得僊

翁福壽昌

雙壽爲周大叅題

昔日遊吳門，迢遞碧海東。
雲霧窈窕中，若有神僊宮。
僊翁雪滿顙，丹顏渥如童。
阿母綠鬢重，玉貌春花紅。
朝筵設清秋，暮筵開仲冬。
烹麟克俎豆，鳴鶴間歌鐘。
獻曲瑤臺女，起舞浮丘翁。
佳辰聚靈族，歡樂那有終。
今年客滇陽，西南萬里疆。
薇垣一尊酒，忽復逢僊郎。
僊郎

方伯貴金紫耀煌煌顧懷二僊人乃在天一
方遙憐黃菊綻更憶早梅香願學南飛鵠翩
翩何親傍豈無連枝桂戲彩不成行豈無繞
膝孫不如我持觴我聞僊郎言重爲僊翁語
五福莫如壽人生貴有子雛鳳高翔雲漢間
老龍穩卧山林裏歲歲瑤編青鳥啣年年壽
酒華堂啓

西園老人歌壽陳維德乃父

西園老人年八十鶴髮脩脩眼瞳碧夜起中
天吸沆瀣曉倚扶桑坐調息谷中紫芝大如
壺山下黃精手自鋤時牽白鹿飲溪澗急走
不用青藜杖太守歸來綵衣舞老人呼兒聽
我語我向西園歌白雲汝去東吳報明主

瑤池歌壽太孺人爲水南太史賦

高堂春風飄綺羅樂張觴舉賓從多請君暫
停琥珀盞聽我一曲瑤池歌瑤池今晨宴僊

姥青鳥翱翔紫鸞舞翡翠屏圍金鳳翹水晶
盤行玉麟脯就中僊姥顏如春花詰新封太
孺人玉堂彩衣膝前貴御厨絡繹天上珍吾
聞弱水三萬里十二瑤臺相對起玄圃閬丘
俱茫渺此語空傳竊桃子孺人自是人中僊
七十三度春花妍我辦瑤池曲千首一年一
寄東海邊

悲悼一首

題賢母圖挽邊母

君不見歐陽子少孤家貧母孀居十年莫能
就外傳母實教之讀父書績麻不供紙筆費
折荻爲筆地爲紙學書偃僂茅堂前點畫成
形母親視異時長大號儒宗名位通顯濟三
公文章勲業照青史千載人歸阿母功近日
山東有邊母相父教子心獨苦剪髮曾留座
上賓和丸幾共燈前雨母也有子超世賢雲

漢飛騰屬妙年已看風采著臺省更誇藻鑑
當文銓中州古來文獻地濟濟門墻集多士
伊洛還追道德同班揚未許詞章麗吁嗟邊
子今歐陽阿母劬勞不可忘我持哀詔過
大梁悲哉邊母柩在堂君親哀痛迫予腸告
予泣血涕浪浪我歌二母同短章千秋百祀
誰低昂

桂洲詩集卷之第七終